



ЎЗМУ ХАБАРЛАРИ

ВЕСТНИК НУУЗ

АСТА NUUZ

МИРЗО УЛУГБЕК НОМИДАГИ ЎЗБЕКИСТОН МИЛЛИЙ
УНИВЕРСИТЕТИ ИЛМИЙ ЖУРНАЛИ

ЖУРНАЛ
1997
ЙИЛДАН
ЧИҚА
БОШЛАГАН

2021
1/3

Ижтимоий-
гуманитар
фанлар
туркуми

Бош муҳаррир:

И.У.МАЖИДОВ – т.ф.д., профессор.

Бош муҳаррир ўринбосари:

Р.Х.ШИРИНОВА – ф.ф.д., профессор

Таҳрир ҳайъати:

Сагдуллаев А.С. – т.ф.д., проф.

Аширов А.А. – т.ф.д., проф.

Баллиева Р. – т.ф.д., проф.

Маликов А.М. – т.ф.д., проф.

Юсупова Д.Ю. – т.ф.д., проф.

Муртазаева Р.Х. – т.ф.д., проф.

Мўминов А.Г. – с.ф.д., проф.

Ганиева М.Х. – соц.ф.д., проф.

Мадаева Ш.О. – ф.ф.д., проф.

Туйчиев Б.Т. – ф.ф.д., проф.

Мухаммедова Д.Г. – псих.ф.д.

Тўхтаев Х.П. – ф.ф.н., доц.

Болтабоев Ҳ. – фил.ф.д., проф.

Рахмонов Н.А. – фил.ф.д., проф.

Жабборов Н.А. – фил.ф.д., проф.

Сидикова И.А. – фил.ф.д., проф.

Ширинова Р.Х. – фил.ф.д., проф.

Садуллаева Н.А. – фил.ф.д., доц.

Арустамян Я.Ю. – фил.ф.д., доц.

Пардаев З.А. – фил.ф.ф.д., PhD.

Масъул котиб: З. МАЖИД

ТОШКЕНТ – 2020

МУНДАРИЖА

Тарих

- Бабаджанов Х., Солиев М. Ўзбекистонда меҳнат заҳиралари тизимишининг ташкил этилиши ва 1941-1945 йиллардаги фаолияти.....
Бўтаев Ж. Самарқанд вилоятининг ахоли таркиби хусусида (XIX асрнинг иккичи ярми).....
Турсунов Н. Жанубий Ўзбекистон ахолиси таомлари, пазандачилиги ва меҳмоннавозлигидаги анъанавийлик ва замонавийлик.....
Шакиров И. Из истории взаимоотношений Узбекистана и Сингапура в сфере туризма (1991-2020).....

Фалсафа

- Аманов Ф. Ижтимоийлашув жараёнлар тадрижи ва таҳлили.....
Ачилов Ш. От сўз транспозициясини ифодалашда маданиятлараро мулокотнинг айрим хусусиятлари.....
Бойматов Ф. Ўзбекистоннинг туризм тараккиётида жаҳон таҳрибаси.....
Думаров М. Ижтимоий реаликка муносабат экзистенциал ички зиддиятлар ифодаси сифатида.....
Жабборов У. Ўкув жараёнига тъюторлик технологиясини жорий этишининг илмий-амалий асослари.....
Замилова Р. Бўлгуси тарих ўқитувчисининг тарихий тафакурини шакллантиришининг моҳияти ва тузилиши.....
Зияев Ф. Ўкув машгулот гурухи босқон улоқтирувчиларни улоқтириш техникасини биомеханик таҳлили.....
Каримов А. Малака ошириш ва кайта тайёрлаш жараёнида жисмоний тарбия ўқитувчиларининг педагогик маҳоратини такомиллаштириши.....
Karimov I. Yuqori malakali velosipedchi trekkchilarini musobaqa oldi tayyorgarligini boshqarish.....
Маннопов Х. Ўзбекистонда миллиатлараро тутувлик ва диний бағрикенгликни таъминлашнинг айрим жиҳатлари хусусида.....
Мирзакулов И. Жисмоний тарбия таълимни жараёнида талабаларда экологик маданиятни ривожлантириш ижтимоий-педагогик зарурини.....
Муллабоева Н. Шарқда ёғизлиқ ҳақидаги қарашлар.....
Mo'minova X. Maktabgacha ta'lim muassasasi psixologining faoliyatini mazmun va mohiyati.....
Мухаммадиев К. Жисмоний тарбия машгулотлари жараёни самарадорлигини оширишнинг долзарб педагогик муммомлари.....
Набиева Н. Мағкура – ижтимоий фанларда тадқикот обьекти сифатида.....
Nafasov M. Таълим жараёнига мобил технологияларни жорий этиш зарурини.....
Nishonov S. Марказий Осиё мутафаккирларининг ижодида инсон тушунчаси ва уларнинг Хусайн Кошифий ва Жалолиддин Давонийларнинг илмий фаолиятига тасдири.....
Одилжонова А. Креативлик шаклланышининг сеззитив даври.....
Отакулов Ш. Гендер тенгликка амал килишининг ижтимоий-сиёсий жиҳатлари.....
Пайзиеva M. Ўқитувчиларнинг педагогик-психологик тайёргарларини таркиб топтириш парадигмалари.....
Рахматова З. Болалар энциклопедик лугатлари маданиятлараро алокани таъминлаш воситаси сифатида.....
Рахматуллаева Г., Мелибоева Г. Organik kimyonni o'qitish samaradorligini oshirishda nostandart testlardan foydalanish
Рустамова Т. Шахсада ёғизликни шаклланishi омиллари.....
Саидова З. Ноғўима газламалардан фойдаланиб креатив – тиббий бош кийим лойиҳаларни яратиш.....
Sapayeva S. "Vaqt" tushunchasining nazariy va falsafiy jihatlar.....
Fayziyev Z. "Etnos", "millat" va "xalq" tushunchalarining kategorial tahsilining ayrim jihatlar.....
Хамудов М. Спорт психологияси методлари ва спорт мусобақаларининг психологик таҳлиллари.....
Xolmuratov O. Sport ixtisoslashuvining boshlang'ich bosqichida yosh velosipedchisi shossechilarning mashg'ulot yuklamalarini optimallashtirish.....
Хуррамов М. 1991-2016 йилларда Ўзбекистон – Қозогистон Республикалари ўртасидаги миңтақавий ва иккى томонлама муносабатлар вектори.....
Chernikova E. Yuqori malakali velosipedchilarning mashg'ulot jarayoni muammlorini dolzarbligi masalasiga.....
Yusupova Sh. Инглиз тили дарсларида талабаларнинг техник тафакурини ривожлантириш учун clil технологиясини кўплаш.....

Филология

- Abuzalova. M. , Kobilova A. Tibbiy perifrazalarga oid ayrim nulohazalar.....
Алиева М., Сидикова И. Замонавий миллый медиа маконда медиадискурс масалалари.....
Асронова М. Ўзбек ва инглиз сиёсий дискурсларида замонавий хикматларининг ифодаланиши.....
Akhemmedova M. Тилда маънавият: мазмуний майдон.....
Бўронов А. Олтой тилининг лингвофондида мазмунни аниқ сақланиб келаётган туркӣ тилларга хос “Тӯ” ва “Қи” лексемаларининг киёсий таҳлили.....
Ёрматова Э. Интонация ва унинг жаҳон тилшунослигидаги талкини.....
Маматова Ф. Инглиз ва ўзбек тилларидаги эвфемизларни типологик тадқик қилиш.....
Nuraliyeva O., Raximova N. Tonni mortison hayoti va ijodi tahlili.....
Нуруллаев М. Диний матнларда таржимонларнинг сўз кўплаш маҳорати.....
Пардаева Н. Анбар отин адабий меросининг манбалари.....
Rakhmatova S., Norimurodova N. XX asrda amerika va ingliz adapiyotiga o'z hissasini qo'shgan yozuvchilar.....
Рахматова З. Болалар энциклопедик лугатлари маданиятлараро алокани таъминлаш воситаси сифатида.....
Сабирова Н. Хоразм ҳалфачилигининг илк манбалари.....
Сидикова И., Солиева М., Карабаева Б. Инглиз тилида кўриш сезгисини ифодаловчи феълларнинг лингво – концептуал хусусиятлари.....
Ergashova Sh., Olimzoda P. Ingliz, rus va o'zbek tillarida kasallik nomidan foydalanishning lingvistik xususiyatlari.....
Yusupova A. O'zbek millatiga xos bo'lgan realiyalar.....



Mehriniso ABUZALOVA,
Buxoro davlat universiteti professori, filologiya fanlari doktori
Aziza KOBILOVA
Buxoro davlat universiteti tadqiqotchisi
aziza.kobilova2101@gmail.com

BuxDU dotsenti, f.f.n. Z.I.Rasulov taqrizi asosida

SOME CONSIDERATIONS ABOUT MEDICAL PERIPHRASES

Abstract

The article is devoted to the pragmatic study of medical expressions. The scientific significance of the study is reflected in the fact that the linguistic features of periphrases in the Uzbek language, in particular medical periphrases, are revealed, and scientific views are expressed. The views expressed in this article serve as a scientific source when illuminating the linguistic aspects of medical periphrases in Uzbek and English.

Key words: periphrasis, metaphor, metonymy, synecdoche, language, linguistics, Uzbek language, description, medical linguistics, medical euphemism, medical paraphrase, medical metaphor, medical ethics, deontology, psychotherapy.

НЕКОТОРЫЕ РАССУЖДЕНИЯ О МЕДИЦИНСКИХ ПЕРИФРАЗАХ

Аннотация

Статья посвящена прагматическому изучению медицинских выражений. Научная значимость исследования отражается в том, что выявлены лингвистические особенности перифраз в узбекском языке, в частности медицинские перифразы, и высказаны научные взгляды. Взгляды, выраженные в данной статье, служат научным источником при освещении лингвистических аспектов медицинских перифразов на узбекском и английском языках.

Ключевые слова: перифраза, метафора, метонимия, синекдоха, язык, лингвистика, узбекский язык, описание, медицинская лингвистика, медицинский эвфемизм, медицинская перифраза, медицинская метафора, медицинская этика, деонтология, психотерапия.

TIBBIY PERIFRAZALARGA OID AYRIM MULOHAZALAR

Annotatsiya

Maqola tibbiy tasviriy ifodalarni pragmatik yo'nalishda o'rganishda qaratilgan. Tadqiqotning ilmiy ahamiyati o'zbek tillidagi perifrazalar, xususan, tibbiy perifrazalarning lingvistik xususiyatlari aniqlanganligi va ilmiy qarashlar bayon etilganligida ko'rindi. Ushbu maqolada keltirilgan fikr-mulohazalar o'zbek va ingliz tillaridagi tibbiy perifrazalarning lingvistik jihatlarini yoritishda ilmiy manba sifatida xizmat qildi.

Kalit so'zlar: perifraza, metafora, metonimiya, sinekdoxa, til, tilshunoslik, o'zbek tili, tasvirlash, tibbiy lingvistika, tibbiy evfemizm, tibbiy perifraza, tibbiy metafora, tibbiy etika, deontologiya, psixoterapiya.

KIRISH. Ajdodlarimiz, ota-bobolarimiz aynan ona tilimiz orqali jahonga o'z so'zini aytib kelganlar. Shu tilda buyuk madaniyat namunalarini, ulkan ilmiy kashfiyotlar, badiiy durdonalar yaratganlar. Barchamizga yaxshi ayonki, ona tili – millat ma'nnaviyatining mustahkam poydevoridir. Ulug' ma'rifatparvar bobomiz Abdulla Avloniy ta'kidlaganidek, «Har bir millatning dunyoda birligini ko'rsatadigan oyinayi hayoti bu uning milliy tili va adabiyotidir». Shunday ekan, millat ko'zgusi til ekanligini inobatga oлган holda, uning lug'at boyligini oshirib, tilshunoslik uchun dolzarb bo'lgan masalalarni o'rganib, ularning ma'nolarini chuquq tahlil qila olmog'imiz kerak.

- **Mavzuga oid adabiyotlarning tahlili (Literature review).** Juhon tilshunosligida tilimiz boyligi va ma'no imkoniyatlarining naqdader keng ekanligini ko'rsatuvchi asosiy omillardan biri hisoblangan, periferik nomlarni o'z ichiga oлgan noaniq nominatsiya vositalari alohida qiziqish uyg'otib kelgan. Nutqning aniq, ta'sirchan va albatta, betakror bo'lishiha xizmat qiladigan tasviriy ifoda (perifraza)larning tibbiy matnlarda hosil bo'lish xususiyatlari, qardosh va qardosh bo'lмагan tillar qiyosida lingvomadaniy tadqiq etilishiga zaruriyat sezilmoqda. Mamlakatimizda davlat tiliga e'tibor ma'nnaviyatga e'tiboring ustuvor yo'nalishlaridan biri darajasiga ko'tarildi va o'zbek tilining xalqimiz ijtimoiy hayotida hamda xalqaro miqyosdagi obro'-e'tiborini oshirish masalasiga alohida e'tibor qaratildi. O'zbekiston Respublikasi Prezidentining «O'zbek tilining davlat tili sifatidagi nufuzi va mavqeysini tubdan oshirish chora-tadbirlari to'grisida»gi Farmonida «davlat tili masalasi milliy g'oyamizning asosiy tamoyillaridan biri bo'lishi zarur»ligi, «bugungi globallashuv davrida har bir xalq, har qaysi mustaqil davlat o'z milliy manfaatlarini ta'minlash, bu borada, avvalo, o'z madaniyatini, azaliy qadriyatlarini, ona tilini asrab-avaylash va rivojlantrish masalasiga ustuvor ahamiyat qaratishi»[1, 1] alohida qayd etildi. Shu boisdan tibbiy perifrazalarni tadqiq etish fanimiz oldida turgan dolzarb vazifalaridan biridir. Juhon tilshunosligida ingliz tili perifrazalarning turkumlarga munosabati va matndagi o'mi E.T.Lisovskaya tadqiqotida, perifrazalarning lingvopragmatik xususiyatlari E.L.Tunitskaya dissertatsiyasida, perifrazalarning matbuot tilida ekspressiv vosita sifatidagi o'mi M.A.Sirivlya izlanishlarida tadqiq etilgan [2,3,4].

- **Tadqiqot metodologiyasi (Research Methodology).** O'zbek tilshunosligida perifrazalar XX asming 90-yillardan o'rganila boshlangan. Bu vaqtga qadar perifraza haqidagi ma'lumotlar lug'atlar hamda o'quv qo'llannalaridagi qisqacha ta'riflardangina iborat bo'lgan xolos [6,7,8]. Perifrazalarga bag'ishlangan dastlabki tadqiqot H.Shamsiddinov tomonidan e'lon qilingan[8]. U o'z maqolasida perifrazani o'rganish yuzasidan muhim masalalarni o'taga tashlagan. Keyinchalik olim doktorlik dissertatsiyasida perifrazalarning funktsional-semantic sinonim sifatidagi xususiyatlarini ham yoritib berdi [9, 64].

Perifrazalar haqida SH.Turniyozovning ham maqolasi mavjud bo'lib, unda tasviriy ifodalarning yasalishi xususidagi mulohazalar bayon etilgan[10, 87].

O'zbek tilshunosligida perifrazalar ilk bora monografik planda I.Umirov tomonidan o'rganilgan [11, 59]. Unda tadqiqot muallifi bu hodisaning til va nutqqa bo'lgan munosabatini, perifrazalarning turlarini, yondosh hodisalar bilan o'xshash hamida farqli jihatlarini belgilashga harakat qilgan.

- **Tahlil va natijalar (Analysis and results).** Biz kundalik hayotimizda ma'lum bir voqelik haqidagi axborotni, shuningdek, shu voqelikka bo'lgan munosabatimizni, hissiy kechinmalarni ifodalashda turli vositalardan foydalanamiz. Voqelikni ifodalashda bir qancha usullar mavjud bo'lib, ular kommunikativ intensiyaning yuzaga chiqishiga xizmat qiladi. Ana shunday vositalardan biri perifrazalardir. Perifraza hodisisi doirasida birlashuvchi semantik guruhlар va ularni tashkil etuvchi birliklar tibbiy nutqda voqelanishi orqali o'z vazifasini muayyanlashtiradi. Buning dalili sifatida quyidagi misollarni ko'zdan kechirish mumkin. Masalan: *Siddiqjon garchi hanuz og'zi bemaza va boshi og'irroq bo'sa ham...kampirning mehribonchiliklaridanmi, ko'ngli ko'tarilib, juda yengil tortdi* (A.Qahhor "Qo'shchinor chiroqlari"). Kasal inson holati Abdulla Qahhor asarida "og'zi bemaza", boshi og'ir perifrazalari orqali berilmoga. Kasalligi bo'lgan inson ta'm bilish xususiyatini yo'qtadi, lanjlik sabab uzzukun yotgan inson boshini yostiqdan ko'tara olmaydi. Boshi go'yoki og'ir jism. Bu og'irlikni ko'tarish uchun kasalda kuch yo'q. Yoki yana bir kasalliklari turlaridan biri SPID kasalligining perifraza ko'rinishida ifodalishini kuzataylik. *XX asr vabosi – SPID bilan kasallanganlar paydo bo'libdi* ("Salomatlik" jurnal). Vabo – dahshatl, ichak kasalligi bilan bog'liq va organizmning suvsizligi oqibatida insonni halok qilishga qodir o'ta yuqumli kasallikdir. Tabitiyki, umga duchor bo'lgan odam bu kasallik sirtmog' idan qutulishi amrinmahol. Insonni halokat yegasiga olib boradigan kasalliklar sirasi bugungi asrimizda ko'payib bormoqda va ulardan biri SPIDdir. XX asr vabosi perifrazasi bugungi davning "zamonaviy" kasalliklari qatoriga kiritilib amaliy natijasiga ko'ra vabo kasalligiga tenglashtirilgan.

Xuddi shu izohga o'xhab kasallik nomlari perifraza yaratishga asos bo'lgan misollarni talaygina uchratish mumkin. Masalan, *Giyohvandlik yomon illat bo'lib, unga berilib qolgan odam oxir-oqibat tirik murdaga aylanadi* ("Salomatlik"). Giyohvandlik bu – nasha, ko'knori va boshqa narkotik moddalar iste'mol qilish natijasida kelib chiqadigan kasallik holati, bangilikdir. Giyohvandlik odam *tirik murda* perifrazasi bilan izohlangan. Tibbiy terminlar va tilga o'zlashib ulgurmagan so'zlar ommalashmaganligi sababli bunday birliklar ma'nosi va perifraza sifatidagi vazifasi matnda (kontekstual) ko'chma ma'noda qo'llanilishidan anglashiladi.

Ma'lumki, so'z ma'nosining ko'chishi metafora, metonimiya, sinekdoxa hamda vazifadoshlik kabi bir qancha usullar orqali yuzaga chiqadi. Bu usullardan, ayniqsa, metafora, metonimiya, sinekdoxa tibbiy perifrazalarning hosil bo'lishiha muhim o'rinni tutadi.

Metafora muayyan narsa, belgi, harakat nomini boshqasiga o'xshashlik asosida ko'chirish hodisasiidir. Bunda bir predmetga nom berishda asos bo'lgan belgi ikkinchi bir predmetda ham mavjud bo'ladi. Bunday ma'nno ko'chishi tibbiy perifrazalarning ham kuzatiladi: *Oshqovoq – sariq oltin*. ("Shifo-info" №44. 03.11.2016. 34-b.). *Go'zallik, salomatlik va yoshlik ramzi –zaytun* (Mehrigyo reklamasi matnidan). *Yelbo'g'oz- yolg'on homiladorlik haqida nimalarni bilasiz? Homilarni yo'ldosh?* ("Sug'diyona" №2. 10.01.2019.32-b.). *TA (Tranzistor ishemik ataka) – sezilmas xastalik* ("Hamshira" №3. 2016. 16-b.). Bugungi kunda viruslarga qarshi vaksina yordamida organizmda immunitet hosil qilishdan ortiq o'tkir, ishonchli quroq yo'q. ("Fan va turmush"). "O'zbek tilining izohli lug'ati" da berilgan ta'rifga ko'ra, Vaksina lotincha so'zdan olingan bo'lib, vaccinus- sigirga oid ma'nosini bildiradi. Vaksina yuqumli kasalliklarning oldini olish va davolash uchun ishlatalidigan emdori; emlashda ishlatalidigan doridir. Yuqoridagi misolda uning organizmda immunitet hosil qilishdagi xizmati e'tirof etilgan va immunitet hosil qilishda o'tkir quroq, immunitet hosil qilishda ishonchli quroq degan metafora usulida perifraza hosil qilingan [15, 6]. Yana bir misol: *Mashhur fransuz mikrobiologi Lui Paster chechak kasalliklari tug'diruvchi mikroblarni tekshirib o'tirardi* ("Gazetadan"). Tug'ish jarayoni harakat o'xshashligi, ya'ni metafora asosida mikroblarga nisbatan aytilayotganini ko'ramiz. *Kasallik tug'diruvchi* birikmasi orqali mikrob ta'kidlangan.

Ko'p yeyish kasallik moyasidir (Fariduddin Attor). Fariduddin Attor ko'p yeyishni kasallik moyasiga qiyoslagan. Ko'p yegan odam kasallik bilan boj to'laydi, ko'p yeyishlikning to'lovi kasallikdir, degan ma'nolar o'z ifodasini topgan va inson sog'lig'i haqidagi fikr ta'sirchanligi shu perifraza orqali o'quvchiga yetkazilgan.

Shuni alohida qayd etish kerakki, tibbiy perifrazalarning metafora asosida vujudga kelishida shakl o'xshashligi emas, balki rang, muayyan belgi-xususiyat o'xshashligi yetakchi o'rinni egallaydi.

Metonimiya narsa, belgi va harakatlar o'rtasida aloqadorlik asosidagi ma'nno ko'chish hodisasi bo'lib, bunda bir predmet bilan ikkinchi predmet orasida doimiy real aloqa mavjud bo'ladi. Metonimiya asosida hosil bo'lgan tibbiy perifrazalarning ham salmoqligi o'rinni egallaydi. Kuzatamiz: *Kosmetolog – go'zallik yaratuvchi inson*. ("Shifo-info" №10. 07.03.2019. 11-b.). Kasalliklarning (xususan ichki kasalliklarning) to'g'ri aniqlashi, ulaming qanday kechishlarini to'g'ri va aniq tasvirlab bergenligi va bu sohadagi qator kashfiyotlari Ibn Sinoni hozirgi zamон terapiyasining asoschisi, deb atashga imkon beradi ("Tib qonunlari" I jild, 7-bet).

Guvohi bo'lganimizdek, metonimiyyadagi o'zaro bog'liqlik perifrazalarga, jumladan, tibbiy perifrazalarga ham xosdir. Faqat tasviriy ifodalardagi bunday bog'liqlik obrazli bo'lishi bilan ajralib turadi.

Perifrazalarning yana bir ma'no ko'chish usullari evfemlik birliklar orqali namoyon bo'ladi. O'zbek tilida perifraza asosida hosil qilinadigan tibbiy evfemizmlar boshqa turlariga nisbatan miqdoran ko'p. Masalan: qarilik darakchisi. *Bundan tashqari, suvsizlanish natijasida terida garilik darakchisi bo'lgan qojimlar ko'payadi* ("Shifo-info"); qarilik davrining ilk alomati. *Eshita olmay qolish jismoniy mugson yoxud tobora yaqinlashib kelayotgan garilik davrining ilk alomati sifatida tushuniladi*. ("Shifo-info"); qizlik iffati. *Qizlik iffati tug'ma bo'lmasi yoxud bolalikda o'zi bilmagan holda noxos buzilgan bo'lishi mumkin*. ("Bekajon"). Nutqiylarida muayyan predmet, narsa va hodisaning o'ziga xos belgi-xususiyatini tasvirlovchi qarilik darakchisi, qarilik davrining ilk alomati, qizlik iffati kabi birliliklar perifraza asosida hosil bo'lgan evfemizmlardir.

Tibbiy perifrazalarning shakllanishi shifokor va bemon muloqotida til vositalarini faol qo'llash bilan xarakterlanadi. Bunday birliklarning qo'llanishi muloqotning eng asosiy mezonlaridan biri – muloyimlik mezoniga amal qilish talabidan kelib chiqadi. Shuningdek, shifokorning professional nazokati, nutqiylar etiket, tibbiy deontologiyaning ifodasi sanaladi [14, 4]. Shunday tibbiy birliklari borki, ularni perifraza ko'rinishida nomlash nutqiyl muloqot jarayonida muayyan tasavvur hosil qiladi va «muammo»ni yechishga asos bo'ladi. Bu fikrimizni dalillash maqsadida bir necha misollar keltirishni joiz deb bildik. Jumladan, o'lim insonning yurak urishi va shu bilan birga organizm barcha qismlarining to'xtash jarayoni bilan kechadigan holatdir. *Kun o'tdi, hafta o'tdi, niyoyat amaldor shiftga qarab yotganicha, bir-ikki iyak qoqdi-jon berdi* ("Mushtum"). Ko'ramizki, "o'lim" so'zinining o'zi bir qancha ma'nodoshlari ega, ushubiy bo'yoqdotligiga ko'ra farq qiladi. Ushbu gapda *iyak qoqdi* qurilmasi ajratib olinib, keyin uning ma'nosi aniqlashtirib ko'rsatilgan, ya'ni *jon berdi*. O'lim talvasasida yotmoq *iyak tashlamoq* yoki *iyak qoqmoq* birikmlari bilan ham ifodalaniadi. *Iyak qoqmoq* perifrazasi ham bu gapda *jon bermog, o'lmos, vafot etmog, joni uzilmoq*

qatoriga qo'shimcha tarzda kuchaytirish ma'nosini qo'shadi. *Har dardning asli ko'p yeyish, har davoning asli ochlikdir* ("Hadisi Sharif"). Islom dinida ro'za tutish 5 farzdan biri deya talqin etilgan. Musulmonlarga yo'l-yo'riqlar dasturil amal qilib berilgan "Hadisi Sharif" da insonning organizmi, sog'lig'i, sog'lom turmush tarzi haqida ko'rsatmalar ko'plab topiladi. Ro'za tutishning farzligi bayon etilib, ochlikning hikmati qay darajada ekanligi payg'ambarimiz Muhammad (s.a.v.) ko'rsatmalarida aytildi. Yuqoridagi misolda "ko'p yeyish" "dardning asli", "ochlik" esa "davoning asli" perefrazalarida ifodalangan. O'xshatish asosida so'zlar birikuvi hosil bo'lgan. *Haddan tashqari ko'p suv ichishda yaxshilik yo'q, chunki suv gongra aralashib qon miqdorini orttiradi. Qonning ortishi yurakning gon aylantirishini qiyinlashtridi va yurakning rizqini (urishlar sonini) tez tugatadi* ("Haqiqiy tabobat"). Ushbu misolda suvning organizmdagi ahamiyati, yurakni qon bilan ta'minlashdagi yordami aytib o'tilgan. Bilamizki, yurak qon aylantirish tizimida muhim o'rning ega. Qon yurak orqali butun organizmga tarqaladi. Shularni hisobga olgan holda uning me'yorda bo'lishi ham ahamiyatga ega. Bu o'rinda yurakning urishiga nisbatan "yurak rizqi" perifrazasi qo'llangan. Yurakning yashab turishi uning urib turishi bilan bog'liq. Yurak urib tursa, demakki, "rizq"i uzilmabdi. Bu borada muallif o'xshatish asosida fikrini ravon ifoda etishga erishgan. *Bahor kelib, uning kasali xuruj qilgan, dam-badam balg'am tupurib, yuk orqalagan hammolday entikardi.* (S.Siyoyev "Avaz") Balg'am – nafas a'zolarining shilliq pardasidan ajralib chiqadigan shilliqli yoki yirningli chiqindi. Nafas olish a'zolarida kasalligi bo'lgan va har mavsumda xuruj qiladigan insonlar holati bayon qilinib, nafas olish qiyinligi "yuk orqalagan hammol" ga qiyoslangan. Yuki bor odam uni ko'tarishda qiyinalsa, nafas olishi ham og'irlashadi. *Bugungi inson jigari – axlat chelagiga, vujudi esa – kasallik qopiga aylangan* ("Haqiqiy tabobat"). O'z sog'lig'iga e'tibor bermaydigan inson, tabiiyi, kasallikkal chalimoli juda yuqori bo'ladi. Bunday insonlarning tanasi go'yo kasallik bilan to'lgan qopdek. Ularni kasallik ketma-ket bezovta qilaveradi. Noto'g'ri ovqatlanish natijasida barcha elementlarni sintezlovchi a'zo – jigar axlat chelagiga o'xshatilmoqda. Foydali moddalarini parchalasa, tanaga ham foydali elementlar tarqaladi, yeyishida tartib bo'limasa, bir uyum axlatni jigar organizmga ham axlat holida uzatadi. Bu borada sog'lom ovqatlanish tartibiga amal qilish nihoyatda muhim.

Qadim zamonlardan kishilar narsa-hodisalar haqida shunchaki ma'lumot berib qolmasdan, ulaming muhim xususiyatlarini tasvirlab, qiyoslab, alohida o'ziga xos belgilarni ajratib ta'riffash kabi usullardan foydalanan kelishganligi, ana shunday ifoda usullari natijasida tilning tasviriy vositalari shakllangan bo'lib, ifodalamoqchi bo'lgan fikrning badiiy obraziligi, ta'sirchan, jozibadorligini ta'minlashga xizmat qilganligi bizga ma'lum. Bunday vositalarga perifraza, ibora, idioma kabilarni kiritishganki, bu kabi birliklarni ayrim olimlar sintaksisning o'rganish obyekti sifatida ko'rishsa, boshqa tilshunoslar leksikologiya doirasida tadqiq qilishgan. Biz tadqiq qilayotgan tibbiy perifrazalarni ham strukturasiga ko'ra :

- 1) so'z sifatida shakllangan tibbiy perifrazalar;
- 2) ibora sifatida shakllangan tibbiy perifrazalar;
- 3) so'z birikmasi asosida shakllangan tibbiy perifrazalar;
- 4) gap sifatida shakllangan tibbiy perifrazalar kabi guruhlarga ajratish mumkin.

So'z sifatida shakllangan tibbiy perifrazalar

1. *Gripp kasofat yomon yopishdi, besh-olti kun varaja qildi* (*Murod Muhammad Do'st "Lolazor"*). Bilamizki, gripp nafas yo'lining yallig'lanishi, haroratning ko'tarilishi bilan kechadigan yuqumli kasallik. Grippga chalinganda inson kuchli harorat ko'tarilishi, nafas olishning qiyinlashuvi, tumov, bosh og'rig'ini boshidan kechiradi. Yana bir jihat borki, bu kasallik vaqtida bartaraf etilmasa va shu bilan birga davolanih samarali va oxirigacha amalga oshirilmasa uning asorati bir necha yillar ichida va umrbod odamni bezovta qilishi aniqlangan. Bu jihatdan uyuqoridagi gapda "kasofat" so'zi bilan birga qo'llanilgan va xuddi shunday ta'rif berilgan.

2. *O'jar ekan bu soldat, deb tashlab qo'ymadilar. Ko'p qatori yaramni boqdilar.* (N.Safarov. "Olovli izlar"). Bu gapda boqmoq so'zi davolamoq, shifolamoq ma'nosida kelgan.

Ibora sifatida shakllangan tibbiy perifrazalar

1. *Eshon o'zini sal yo'gotayozdi. Tili gapga kelmay galdiraydi* (S. Ahmad "Hukm"); *Tili gapga kelmadi, majolsizlik bilan yana ko'zlarini yundi.* (S.Zunnunova "Ko'k chiroqlar"). "Tili gapga kelmaslik" iborasi qattiq qo'rquv, hayajon, ruhiy yoki jismoniy zarba, kasallik natijasida so'zlay olmaslikni anglatadi. Bunda kasalning ruhiy holati, ya'ni fikrni bir yerga jamlay olmaslik, o'ylaganini nutqida ifodalay bilmasligi binechadi.

2. *Sal sovuq tushdi deguncha, jonini egovlaydigan bod kasali tufayli ayvonga ham chigolmay qolardi* ("Yoshlik" dan). Ushbu misolda bog'in va mushaklarning yallig'lanishi (revmatizm, radikulit va shu kabi kasalliklar) sirasiga kiradigan bod kasali "jonni egovlaydigan" iborasi asosida berilgan. Og'riq, kasallikning birdan xuruj qilib jonni xatarga qo'yishi, xavotirlanish tufayli bu kasallik inson umrini egov misol kamaytirib boraveradi.

3. *Mana, bugun ham iligidan darmoni qurib qaytdi. Burniga chertsang, yiqiladi.* (Shuhrat, "Umr pag'onalar"). *Iligidan darmoni qurib birikmasi orgali g'oyat charchagan odamga nisbat berilmoqda.* Insonning iligi tanani quvvat bilan ta'minlash xususiyatiga ega. *Burniga chertsang, yiqiladi – ibora.*

So'z birikmasi asosida shakllangan tibbiy perifrazalar

1. *Bu yil dori o'miga dalalarga hasharot kushandasini qo'yib yuborishdi* (S.Nurov "Maysalarni ayoz urmaydi"). Hasharot kushandas deganda tekinkxo'r (parazit) yoki zararkunanda, kasal tarqatuvchi hasharotlarga, kemiruvchilarga qarshi ishlatalidigan kimyoiy modda nazarda tutilgan

2. *Beshafqat kasal qizning husnining emas, yoshlik g'ururini ham olib ketdi* (S.Shamsiyeva "Shifokor"). Shafqat bu – insoniy fe'l-atvor bilan bog'liq tushuncha. Uni kasalga nisbatan inkor formada ishlatalish insonga xos his-tuyg'u o'xshatishi asosida ma'no ko'chayotganini ko'rsatadi. Kasallikkagi "beshafqat"lik xarakterlari uning odam tanlamasligi, yosh-u qarini o'z isikanjasiga olishi, tushgan organizmida a'zolar salomatligiga zarar yetkazishi, hatto, halokatga olib kelishimi nazarda tutadi.

3. *Dard degan narsa anoyi bemorni topsa, tanasidan chiqmay o'tirib oladi. Shuning uchun ham og'rig'ining tayini yo'q bemorlarni "boy kasal" deyishadi* ("Mushtum"). Bunda "boy kasal" pereirazasi orgali o'zi og'ir bo'limasa-da, parvarish talab qilinadigan yoki shunday parvarish uchun bahona bo'lgan kasallik, shunday kasallikka uchrangan bemor nazarda tutilgan.

Gap sifatida shakllangan tibbiy perifrazalar

1. *Tana temperaturasining pasayishi organizmnning tiriklik faoliyatini zaiflashtiradi, kasalliklarga beriluvchanligini oshiradi* ("Anatomiya"). Ushbu gapda "kasalliklarga beriluvchanlik" birikmasi ma'lum bir xastaliklarga moyillikni, "tiriklik faoliyati" birikmasi organizmnning klinik va biologik jihatdan mavjudligi ma'nosida qo'llanganligini ko'ramiz.

2. *Kampir inqillagancha joyiga borib o'tirdi, tizzalarining ko'zini uqalab, og'ir so'lish oldi* (X.Sultonov "Onamning yurti"). 3. *Uch haftadirki, Po'lat shahar kasalxonasida yotibdi. To'rt kungacha olov-otash bo'lib yondi, o'ziga kelmadи* (Sh.

Rashidov "Qudratli to'lgin"). Ushbu gapda *olov-otash bo'lib yonmoq* birikmasi kuchli isitma qilmoq, isitmasi chiqmoq ma'nosida qo'llangan. Bu perifraza orqali adib qahramon holatini kuchaytirib ko'rsatgan.

- Xulosa va takliflar (Conclusion/Recommendations). Xulosa sifatida ta'kidlash joizki, o'zbek tilshunosligida tibbiy nutq perifrazalari atroflichcha tadqiq qilinishi va mazkur masalani o'rganishga doir tadqiqotlar zarur. Chunki bunday tadqiqotlar nafaqat nutq lingvistikasi, tibbiyot deontologiyasi, xususan, tibbiyot xodimlari nutq madaniyatini rivojlantirish va tibbiy ta'lim mazmunini boyitishga xizmat qilishi hamda ta'limda o'quv materiali sifatida foydalanish imkonini berishi bilan amaliy ahamiyat kasb etadi. Perifrazalar narsa-hodisalarning belgi xususiyatlarini o'zida aks ettirish barobarida psixologik omil asosida ham vujudga keladi. Tasviriy ifodalar matnida takroming oldimi olish bilan birga muloqot vakillariga estetik zavq berishi shubhasiz. Aqliy qobiliyat, milliy ustunlik, tug'ish, kasallik, inson tana a'zolari, o'lim, tajovuzkor harakatlar, oilaviy munosabatlar, diniy tushunchalar bilan bilan bog'liq lisoniy tushunchalarining publisistik matnlarda evfemistik perifrazalanishi muloqotda yuksak nutq madaniyatiga egalikni ko'rsatvchi faktordir.

ADABIVOTLAR

1. 1. Ўзбекистон Республикаси Президентининг 2019 йил 21 октябрдаги ПФ-5850-сонли «Ўзбек тилининг давлат тили сифатидаги нуфузи ва мавқенини тубдан ошириш чора-тадбирлари тўғрисида»ги Фармони/ www.xabar.uz
2. Лисовская Е.Т. Именные перифразы в современном английском языке и их текстовый статус: дисс...кандидата филол...наук. Минск, 1984. -198 стр. 3.Тунцкая Е.Л. Перифразирование в лингвопрагматическом аспекте на материале французского дискурса: автореферат дисс... докт...филол. наук. Москва, 2010. -44 стр.
3. Сиривля М.А. Перифраз как экспрессивное средство языка газеты: семантико-прагматический аспект: автореф...кандидата филол...наук. Челябинск, 2007. -23 стр.
4. Абдулхамидова П.Ш. Лексика народной медицины шугнанского языка: автореф...кандидата филол...наук. Душанбе, 2006. -21 стр.
5. Ҳожиев А. Лингвистик терминлар изоҳли луғати. - Тошкент, 1985. - Б. 267.
6. Ҳожиев А. Тилшунослик терминларининг изоҳли луғати. - Тошкент: Ўзбекистон Миллий энциклопедияси, 2002. - Б. 80.
7. Миртоҷиев М. Ўзбек тили лексикологияси ва лексикографияси. Ўқув қўлланма. - Тошкент, 2000. -Б. 42.
8. 9.Шамсiddинов Ҳ. Перифраза хусусида айrim мулҳозалар // Ўзбек тили ва адабиёти. - 1993. -№4. Б. 29-35.
9. 10.Шамсiddинов Ҳ. Ўзбек тилида сўзларнинг функционал-семантик синонимлари: филол. фанлари д-ри ... дис. - Тошкент, 1999.-Б. 141-173.
10. 11.Турнизов Ш. Перифразалар деривацион хусусиятлари ҳақида айrim мулҳозалар// Жур. Хорижий филология. Самарқанд. 2005. - №3. - В. 36-37.
11. 12.Умиров И.Э. Ўзбек тил и парафразалари: филол. фанлари номзоди ... дисс. -Тошкент, 1996.
12. 13.Айтбоев Д. Ўзбек тилидаги перифразларнинг мотивлашуви ва лексикографик талқини: филол.фан. номзоди .Автореферат. -Тошкент, 2007.
13. Abuzalova M., Gaybullaeva N. Medical Euphemisms' Ways of Formation and their Attitude towards Related Events\ International Journal of Recent Technology and Engineering (IJRTE) ISSN: 2277-3878, Volume-8, Issue-3S, October 2019. -Pag. 494-497. <https://www.ijrte.org/download/volume-8-issue-3s/>
14. Kobilova A.B. Features of the use of the periphrases of the Uzbek and English languages in journalistic texts. International journal of Psychological Rehabilitation, Vol.24, Issue 07, 2020. – Pag. 8162-8168. <https://www.psychosocial.com/article/PR270794/18979/>